

225794

成都工学院图书馆藏

藏

卷

五三六

帥字

卷

五三九

帥字等

卷

五四〇

隊字等

卷

五四一

兌字



永樂大典

百六三

7
12
00
T.H.

永樂大典卷之一萬五千二百三十八

七泰

帥

詩

唐李嶸集獻淮南帥 雜樹烟含瑞氣凝鳳池波待玉山登國人久
倚東關望擬築沙堤到廣陵孫元晏集獄中上府帥黃崇嘏 偶離

幽隱佳臨邛行止堅高比澗松何事政清如水鏡絆他野鶴向深籠宋張
舜民畫墁集十二月二十五日行次渭原走寄熙帥范巽之 凍雲積雪

黯沈岷晏歲輜車晤過秦夾道清渠翻白浪遶山蹊馬走黃塵歸鴻裊裊
寧無信塞柳依依欲弄春今夕帳中拚一醉同年賢帥是鄉人劉放彭城

集送原甫帥水興 讀書當為王者師論兵要作萬人將古來志士稀兩

遂白首儒生彼無望麒麟一出凡馬空豫章蟠根歲逾壯金華事業爛然

新徂西謀謨誰與讓旌旗蔽日紅半天笳鼓臨途車萬兩中軍令出聽無

譁秦山渭水皆東向荒夷懍威霜雪明屬城楊和春日亮趙張成事不足

論方虎遺詩猶可尚龍文金鉉待調飪瘠樞幹中付群當西人歡歌公肯

留公車雙鹿畫轡上韓魏公安陽集賀春卿宣徽出帥延安 廷塞何須

輟鉅公西師今復久橐弓三台班秩名雖重四海生靈澤未豐莫泥兵韜
求策勝更充賢業俟時通歸來談笑巖廊上致主唐虞始是功 次韻荅
渭帥王龍圖 十年西北保疆垂只恐非才誤委毗報國心誠雖慷慨背
時蹤跡極孤危欲求襄貶明千古直把窮通託二儀多謝高篇遠相勞召
南風格本王基 次韻荅并帥王仲儀端明以詩見寄 退削嘗連上清
袞遂一開調元辭重任珍冠倚非才虎士方爭奮老雛已訴哀遽馳金節
觀戎得錦衣回雅契瞻并府宸容病鄴臺孤懷難託鴈芳信忽傳梅璫瑁
遙實席葡萄入醉盃高談嗟阻闕危榭幾徘徊大國誠淹帥中樞即二台
三槐東第甲還似相車來徐節孝先生集述懷寄呂帥 若者關西山壁
立春雲突盡春空窄濃風滴去渭川寒孤峯深與秦天碧白雲流水豈無
情立馬吟詩定相憶且倩東風先寄聲我整西裝期已迫吟到秋風攷我
歸歸來時作瀟湘客 北邊控扼重瀛州虎士鷹揚屬壯猷盡道胡人新
斷臂安知漢將欲春喉為文法度惟青簡奉使勲勞半白頭六路全秦與
全魏不須野戰覓封侯 師也十萬建牙旗大纛森森重使威燕頤將軍
宜繡帽龍驤戰士受犀衣銀鐙作隊行春去蠟炬成林校獵歸更看鈴齋
憑几處文如布陣翰如飛 胡人勇悍真勦敵漢將威名重泰山憶若金

城當一面橫如鐵陣控三關防秋甲士屯田去牧馬穩避塞還儒帥著
書閑暇否兩河人物太平閑 帥臣所統在燕南事事如窺指掌間杖鉞
精神堪破虜搃吭形勢正當關十州部分連滄海一道軍聲過黑山文武
非徒尹吉甫前時方叔乙平蠻 事皆術內宜謀帥奇在習中合運籌戰
士常騎突陣馬將軍須養搗師牛雅歌坐燕春歸塞緩帶行吟月上樓且
勸主人宜飲酒還城六月已如秋 王門關靜邊鋒息回首金城趙克國
繡帽霜鬚馬上吟詩興如雲滿秋色最好青門長樂坡灞橋路上情更多
繡嶺風烟新草木潼關形勢舊山河洛陽城闕秋風緊有詔疾驅催大尹
兩幢直是有精神管取無寬亦無猛蘇東坡大全集送薛穎叔帥熙河
西方猶宿師論將不及我苟無深入計緩帶我亦可我欲歌杖拄楊柳方
婀娜邊風事首虜所得蓋么麼願得魯連客一射聊城哥 王安石臨川集
送元厚之帥福州 元侯文章穎更以吏能著今為大帥府千里來赴懇
街詔出黎嶺方為遠人慕旌旗滿流水冠蓋東門駐 荅西帥 吾君英
睿超光武良將西征捍隄薈事見魏晉傳誓斬郅支聊出塞陳湯斬郅支
生擒頡利始歸朝唐太宗生擒頡利一丸豈慮封函谷千騎無由飲渭橋
息大新傳如使狂夫象序於東崖匈奴飲馬於渭水此詩恐謂王韶可見

公意切於開邊也。豈慮者言師之威暴而不使如玉元之徒欲以一丸泥封函谷關也。按北史韋孝寬贊東人恬恃其衆將欲飲馬渭而新唐

史突厥贊亦言唐薄渭橋時造秦京師然一丸泥既是後漢書金方則亦疑千騎或別有出處公必以爲對秦漢唐架渭首凡三橋在咸陽西四十

里名便橋武帝造在咸陽東二十二里爲中渭橋始皇造在萬年東四十

里爲東渭橋不知始於何世唐書太宗出元武門以萬騎徑詣渭水上陽

水與額利時虜進至渭水便橋之北或云此是王元之詩好立功名標竹

素莫教空說霍票姚杜子美後出塞詩借問大將誰恐是霍票姚陪陌

中霍票姚將士時漢所贈還時爲霍票姚按漢史霍去病再從大將軍

受節于杜士爲票姚校尉報虔音顯按古曰票類妙反搖羊召反票姚

勳之號焉後漢紀作票姚字去病後爲票騎將軍尚取票姚之子月子

美以中聲用蓋從報虔音公亦以平聲用必承襲于美鄭俠西塘集迎仲

常龍圖自廣州移閩帥旌鉞依前向釣臺祥煙喜雨兩崔嵬民思父母

無窮已天惜星辰有去回千里袴襦還衆暖三山樓閣爲誰開須知道路

先騰說又見清涼古佛來去年牙戟海邊城空望門闌涕泗橫今日去

旄東嚮夢邪知高竊此中迎豈非文席諧瞻對亦似雲間有否身十有餘

年想諄誨更期珠玉似河傾 惠慈政化及民功內外聲稱有古風五嶺
山川情正點七閩桃李意先通大明繼照天衢關重德還朝衆願同早晚
皇穹順興議老人星在玉堂中強祠部集送王夕拜移帥慶陽 一月天
書兩紫泥朝持使節幕征西公適自京北有詔領都漕又改帥慶陽一
之聞凡兩拜都命關中父老攀顏尾闕外偏裨望馬蹄行色欲侵邊雲散
威聲先壓塞雲低情勤佳客雙延避公許劉李二君欲置幕下今肅疆兵
倍訓齊城堡此時歸鎮靜朝廷自昔重招勞坐收勲業光彝鼎入拜恩私
寵介圭文武兼才緣已試父兄前烈不難躋却慙主帥經三易幕府徘徊
守故樓米芾寶晉山林集送端臣桂林先生兼簡信叔帥座 驂鸞碧玉
林琢句白瓊瑤人間埃壙盡青蘿數分臺程公列仙張磊落粹露騰玉瀝
發太和弘君同道遙刻巖栖烏鴉陟巖透紫霄南風勿賦鵬即是宣室招
晁無咎難肋集送龍圖范文德孺帥慶 君不見先君往在康定中奉詔
經畧河西戎犬順胡蘆盡耕稼賊書不到秦關東邊人咸識侍中子至今
猶說將軍似給事文武龍圖賢大馮小馮安足言齡年書傳有肝膽二十
起家車檻蛟龍雲雨時可用麒麟圖畫功非晚况聞馳傳厭山谷頃時
河隴嚴飛輓朝廷屬休關會兵秦人倚慶為長城時平斥候正須遠軍閑

留田未宜輕東風浩浩吹榆柳相勸西城古原酒班春曷不問遺老先公
達謀尚多有女郎山下萬貔貅部曲肥馬身輕裘此曹賞賜飽無用談話
豈得希封侯趙邊今日須李牧士無超距姑食肉郭祥正青山集代先書
寄盧帥未龍圖行中 楊花塞路春無聲鳴鳩喚婦留春晴楊鞭朝發後
涪縣捲簾暮宿金斗城城中主人漢賈誼妙年射策都群英我冠獨立御
史府冰霜凜凜清朝廷竟來白雲渡銀海十年望闕心常傾只今淮西課
異等沉沉王帳閑府兵神機照物辨毫髮提刀四顧新發矜行間名節迢
西掖至尊開閣思該經豈容燕寢自顧養畫戟森衛清香凝陳公雖解豫
章榻白頭重愧非徐生飄零漁舫荷蓑笠揣摩舊學荒荆顧公一吐太
和氣朽株巖下逢春榮 奉和廣帥蔣穎叔留題石室 西江赴海穿雙
峽十里寒青半天插晴空倒影連明河滔滔不礙鯨魚呿蛟綃高覆紫微
冠翠葦平鋪玉皇榻中藏石室與嵩臺巨壁被層老鱗甲欲飛未去鳳遶
迤將蟄還伸龍匿匿浪搖蓬島何其危桂塞廣寒無乃狹天匠不由基構
成洞門大啓無人扃六月來遊乃挾纊酌酒向口疑冰生三溪詰曲愈難
涉舉燭但愛烟冥冥迤似霜縑見山水畫手只許吳生是有誰文采如昌
黎物物為我從頭記自慚才短空異搜俚語未足蒼崖留元戎聞之索大

筆點坐遠想書勝遊憑凌風力若捕虎窟求景象如縛仇那知子厚號雅
徒不識謝守為風流桓桓斯人富學海少陵重生滴仙在宗淨擊玉敲黃
金倚馬千言未嘗改高才豈必世俗知浩氣已充天壤內又如淮陰善將
畧不戰能令敵先敗暫許侍從來東南羊城異日為傳巖不雅已幾吟咏
足即看玉牒功名鏡滁陽吳公昔曾賦落落文華精注措毛侯亦許送和
章馬上橫戈寫長句孰云高要陋且遐三篇入石神鬼嗟願揮硬畫奪劍
戟下視鳥迹初遺沙此心雖大慮轉小刻就頗憂龍作蛇譬之博奕仲尼
與群兒惡用相識譚端溪石工古稱妙年年琢硯供正衙剛刀截牌易於
硯龜螭相射生彤霞硯山石鼓久缺矣苦縣光和真瘦耶流傳萬本入中
國誰憐此落瘴水涯共探泉石造淡漠豈憶冠蓋追榮華公思歸乎欲致
主四方飄泊予為家予意無留亦無去等將幻質隨楊花呂淨德先生集
送蔡帥赴平源 劍外開三蜀回中宿萬兵召還宜北觀賜鉞又西征體
貌均先後權綱一重輕淵衷允慎東興意尚難平伊昔藩條振於今治體
成有為終簡易無述但恢闡筆下銷頑弊樽前得隱情快如長劍立通若
巨河傾閭閻從虛落醇源及物清山川增氣象草木遂勾萌暖褐三冬足
豐疇百室盈詠歌今父母畏服古神明方幸華輪祝俄聞瑞節迎渴心猶

借逐翹望欲還瓊况復盤關路常瞻部使旌十連依玉帳一道固金城後
詔光前出新棠似舊榮千宣惟德業所至盡功名塞馬寧非福溟鵬豈問
程惟期未溫席歸去慕家聲積鼎臣竹隱時士集朱貢父自尚書郎領憲
河朔會高陽關守因攝帥事以書寄之且寄蟬蛩清渭三年伴濁溪鴻
毛一舉便冥帳前共聽將軍令塞下爭看使者星四坐應劉邀俊彥兩
行燕趙列娉婷只知左手持螯美不念貧交正獨醒秦觀淮海集送蔣穎
叔帥照河 侍臣不合出都門為有威名藩漢尊戶部左曹回妙手匈奴
右臂落清罇揮毫珠璧生談笑轉盼龍鸞在夢魂潮海一空何足道歸來
黃閣坐調元 天馬葡萄開玉門漢廷誰更勇如尊行臺曉日叱千騎祖
道春風屬一罇莫許留犁輕結好便令鼓脫復游魂要須盡取照河地打
鼓梁州看上元彭汝礪鄱陽集送范侍郎帥慶州得以字 池水日夜流
日行無停軌人生長道路擾擾還如此莫辭飲我酒酒盡君且起贈君雙
寶劍有言慙近俚聖人之於物愛視猶一子一作視之猶赤子 顧復愁不
至不如分此爾誰茲較尋尺竟未知所以夷外當反內刮毛須及裏邇垂
今無事自可緩帶理願君宏遠業赫赫光祖彌 送穎叔帥臨洮 風如
疾雷虎如芋積雪如丘壘道路將候車馳枕不住見說西人復嘯聚目視

陰山欲飛去。蔣侯文如江海注。一決萬里無盡處。筆落在紙成雲霧。氣吞
雲夢八九數。力轉丘山縛螭虎。終日笑言公不怒。三軍號令成樽俎。羌戎
膽落汗流涕。邊人乃至歌五袴。昔誇禁中得頗牧。今見南陽稱召杜。前席
宣室疑已暮。勒功燕然無可慕。歸來適作人間雨。伏杜吾當為君賦。陸佃
陶山集送張頴待制帥瀛州 食貨方艱不忍籠。長才宜有濟時功。閣當
龍馬圖書後。錢入紅牙算子中。音信定應隨朔鴈。夢魂多擬託南風。如何
更講黃河策。定取橫流副兩宮。許景衡橫塘集張帥進職再留敏叔有詩
賀之次韻 憶昔初辭九棘班。齋壇授鉞氣桓桓。邊民慣見平安火。天子
新除侍從官。此去一年聊許借。從來五袴不愁寒。進賢自是平生志。看取
他年頭上冠。胡銓澹庵集上洪帥李伯紀丞相 相印橫拖御案前。聖恩
暫許帥藩宣。舉幡北闕危三別。抗疏南床忽十年。建炎二年銓移書中丞
王陶論相公當在朝廷以繫人望性事妻涼人墮魄此身空潔驚樓煙當
時坐榻生龍尾。猶望陳蕃一解懸。張橫浦先生集聞沈元用帥南海喜而
有作 與公相別五經年。憂患流離理固然。張望故園江渚外。還驚橫浦
瘴煙邊。喜聞金節粵南海。行看鋒車上九天。願我不才仍老矣。只思歸棹
五湖船。鄭剛中北山集擬送楊帥 久戍思賢日中興入覲時旌旗生喜

氣梅柳動寒枝。報國心偏苦。安遠計自奇。一軍嘗北出。萬騎絕南窺。結軌
 聞修好。棄弓謹退師。浩歌藏戰甲。雅拜習朝儀。天近雷風迅。雲深雨露滋。
 告庭行有命。祖載敢無詩。雪意留金勒。歌聲寄玉卮。明年秋。林賤釀酒酌。
 歸期吳芾湖。山集寄龔帥。今朝駢步忽來前。報道除書下。日邊關。寄復
 歸賢使者。百城聞命想欣然。雖喜英賢帥。十連却慚糠粃。濫居前。自知
 未免人揚簸。願使衰翁晚節全。行李看看近。故廬夢魂猶自遠。洪都帥
 垣暇日登臨處。把酒還能話我無。龔帥以久不寄詩達惠。性便野服。
 厭朝裾。一意歸休學二疎。門外渾無俗士駕。案頭惟有道家書。勝遊但欲
 尋蓬島。湖中近築一亭。日為小瀛川。舊事那能記。石渠亦擬冥搜。酬絕唱。
 漸將瓦礫報瓊琚。天與疎慵。一味閑許。辭畫戟。老柴關。幾年欲作冥鴻。
 舉今日方隨倦鳥。還有水不妨時。載月無人誰與共。登山相望千里空相。
 憶樽酒何時一破顏。再和龔帥所寄。契闊經年阻曳裾。滿簪華髮愈。
 蕭疎。五禽聊作林間戲。雙鯉忽傳江上書。詩句方慚成間斷。文情豈謂益。
 勤渠。開緘更誦驚人語。恍若相從聽珮裾。聞道公庭白晝閑。更無夜犬。
 吠江關。一時戾氣俱銷盡。千載淳風頓使還。但恐賜環來北闕。不容柱笏。
 看西山。祇今汲汲直如公。少正賴忠言一犯顏。送汪樞帥福唐。試數中。

興社稷臣獨公名德冠簪紳
合依宸繡歸雙闕却擁旌幢帥
七閩帝欲十連均雨露人思
四海靜風塵會須展畫綬綸
手總把安危佩一身王漢濱
先生集寄制帥 五郡馳驅
兩月忙少城春事杳相忘
鸚鵡鳴處韶光老鵝鵲聲
中旅思長曾為青山迂客
路莫借紅旆訪仙鄉浣花
時節歸期近猶及遨頭共
一觴 次制帥所和前詩
聖主憂勤躬萬務英豪寧
許山林住弓旌號召士無
留竹帛功名公所赴天表
對揚咨見晚坤維鎮撫歌
來暮雪山增重絕紛埃蜀
道非離履平路分陝聊煩
摠妙畧秉鈞已歎迂高步
朱轡撫俗遠民懷玉帳折
衝羣服懼羽檄不飛烽
檣滅駿骨多牧邊市五孔
明七縱詎非長戶牖六奇
真不誤農狎其野無外憂
馬騰于槽有餘怒三陸絕
徵皆安安諸將雄師今盡
獲九重益友思直諒四蜀
新聲詠宣布帥閫方觀勲
業成廟堂行看精神聚嗟
我衰遲託末契辱公敦篤
傾殊顧當年獻賦誦凌雲
上國承顏悅披霧禹門親
觀躍風雷堯陞初驚承兩
露龍顏下矚頓生光鳳翼
高翔從此附轉身朝服曳
青雲滿袖天香攜寶炷九
霄變化真鵬升一紀光陰
隙駒驚綈袍雅意念振袵
襦袴餘波依叔度他時入
覲對金蓮伴直應隨玉堂
寓 再和 年將六帙諸
衰具漏盡鍾鳴行不住一
身許國鉢兩輕萬里攜家
斗升赴五羊大夫習勞苦
三

鱸先生嗟晚暮分爲一世數奇人踏遍九州多半路早歲嘗爲梁甫吟中
途已失邯鄲夢窮通有命常自樂莊子窮亦樂通亦樂所樂非窮通顯
無漸方不懼如注莊子云爲斯無愧於心然後能獨行而不懼每讀商
書戒十愆不憂漢法十三互奔走頻驚使節光叨逾敢歎儒冠誤車下奪
牛任客疑水中見蟹從人怒怨恩肯效兒女語正直猶希鬼神護平生事
業在方冊將老精神弊泉布九重德意日遼遠十萬師徒關外聚不令聖
澤皆下霑寧免吾皇尚西顧上爲朝廷廣霖雨下令郡邑清蒙霧乘輅無
術護觀風分陝維賢倚行露青天雲霧昔曾披淶水芙蓉今密附郊垌小
隊連後乘燕寂清香同妙炷鳥在難階鴻鵠飛驚駘暫逐驂驄驚自憐落
落王平子遇此汪黃叔度但憂溫詔趣公歸陸字不容孤迹寓再和
珠璣百斛何人付公有詩筒來不住出塵秀句若霞擣走筆豪篇逾響
赴吟安一字不知老朝作千篇猶未暮秋天鴻鵠膏浮雲平地驂驅驅
路分憂制節綿萬里餘事文章兼七步千軍獨掃人共驚八面俱來我何
懼力扛九鼎更安帖肯蠅萬蒼森差互千言未困見縱橫一點不加無謬
誤音諧律呂鳳凰鳴勢薄雲天鵬鳥怒流傳應有賈客售在處豈無神物
護公詩光焰千丈錦我詩蘆簞一尺布公詩雄富百雉都我詩窮陋三家

聚行經北海恍自失出見西施羞反顏殘膏祇欲借鄰光餘潤有如蒙曉
霧君侯雅志和薰風聖主恩光深湛露事業終期白日懸功名已見青雲
附願公歸侍玉皇葉天香復與金童炫願公西取玉母環雲車直指瑤池
驚要當都俞廟堂上豈久淹留井參度顧我塵埃不足論屈曲世間隨所
寓勝遊每恨不相同郵遞猶欣日日通玉帳未容佳境到雲山已在好
詩中靈珠忽富千金贈凡馬堪嗟萬古空展卷高吟知幾過犬音一震耳
根聾塵勞汨沒老尤頑偏走岷峨香靄間筋力已疲難報國田園有計
即歸山何期俗駕經時出却得浮生數日閑已請一麾江海去故應生入
玉門關新篇孤峻絕階梯照眼光芒五色迷已向詩壇稱獨步不妨祖
令更全提東詩多雅彈治真空雅興高情契絕景終希大手題餘事文章
暫遊戲要將李杜與名齋佳因得坎去乘流萬里西南更倦遊三徑未
成歸計晚一尊猶喜故人投小篇偶寓詩筒去佳句還勞驛使酬得與諸
賢更倡和故應盛事播西州我登峨眉山偉觀天下劣觀公驚俗句更
覺眉山小短章鋒斬絕大篇氣深香紙弊墨色渝讀誦不能了用畫登
山乃方知行路難孤峯寧久駐半嶺敢求安遠目窮千里危腸攬百酸川
原忽開豁峻路正平端露宿風餐走部封要詢民瘼下情通消磨光景

驅馳裹疲弊精神倥傯中。珠玉忽收千里贈塵埃頓洗一襟空。病餘快覺
心情爽愈却頭風耳不聾。次詩云來時梅破蕊思折枝頭酸此句形容節
物可見無復之久其為醫藥古作者不足道也。丘園養浩久懷安忽侍

天威咫尺間草制方觀周誥命。著邊聊重蜀江山。博風已激三千水掣電

終歸十二閑。天遣詞人來作牧。勒銘重刻劔門關。蕪懷感際少多違世

路迤邐老更迷。松檟十年垂種植。妻孥萬里困攜提。龍門偶幸餘光借鴈

塔曾同伯氏題。擁篲祇今知不晚。曹裝猶未去三齊。武林一別幾經秋

誰料同為錦里遊。蕪草已慚瑤樹倚瓊裾。仍愧木瓜投小詩。勉向忙中和

大白難禁醉裏酬。他日東南陪語話。故應相對話刀州。從來方面貴體

尊吟詠少君侯。七尺軀詩膽看更小。句如星斗爛氣與雲天香。詞源倒三

江傾瀉何時了。聖主不忘遠惠懷亮所難。如何吾所部疲瘵未全安。詔

條少宣布牒訴多悲酸。撫節夜長歎憂慚非一端。贈襄陽帥吳彥猷

令威千歲歸城郭。尚如故我今還故鄉陵谷亦易處。荊榛叢舊蹊溪壑改

新路城中十萬家。碧瓦生煙霧茅茨變閭閻。舊屋無一椽相逢訪親舊十

百不一遇。豈無新人民往往皆旅寓。元帥念疲瘵撫養若稚孺。近聞田里

間稍稍復逃戶。會當一二年功效見生聚但恐鋒車來追詔不容住。努力

慰斯民望公若羊祜董儒傑先生集賀曾修撰帥江陵控蜀連吳最上
流清時詞伯拜元侯駿駸和氣隨千騎籍籍英聲慰十州士識朝宗方定
價客依劉表祇銷憂三朝開濟元勲後蟬冕還應映黑頭荊州刺史蘇
州似可但超然五字詩試問清香凝寢處何如夜雨對床時風流雲散心
方折月落參橫角更悲堂下為公理脩竹琳琅他日照幽姿大府山河
壯嚴城鼓角雄先聲清展華善頌到牛童八境風煙上千篇歛唾甲鼉頭
聊爾耳歸觀大明宮化蜀歸來欲醉吟君王又起福淮民旌旗光動達
遲日鼓角聲傳益益春風采十州安撫使典刑四海老成人屯田小試管
平糶蚤晚論思從紫宸麟符虎節爛龍光勢重侯藩壯帝鄉那復謝元
將淝水政煩汲黯守淮陽咄嗟萬戶無窮惠清淨三州已試方餘事不妨
哦妙句韋郎韻勝寢寢疑香曹勛松隱集曾端伯自承移帥川口有懷風旨
無便附信忽領教喜成小詩附便奉呈好在曾夫子寧追晤語期倚毗
離楚日鼓吹入夔時赤甲兼風近黃堂淑景遲相望邈坤軸空詠竹枝詞
衣袂先九潤此日上瞿塘風月動官柳旌旗開蜀疆詩壇凌李杜政績
過龔黃追詔知非晚肯令生智囊僕也庵居久心形付自然山林歲老
退松竹養風煙過物元非遠尋真自一天懷人會心處熟誦見山篇周麟

之海陵集送王時亨舍人帥蜀 煌煌天筆照坤維忽見文星下紫微萬
里江山津收觀九重紳笏更爭輝占桃不假刀形臺換馬端期鵲飛試
問鄆筒故鄉酒路人應唱踏花歸 一從鴈塔綴英游又見功名得志秋
丹闕萬人窺榜眼碧幢千騎擁鰲頭錦城日暖悍鯨舞玉壘煙深鎧仗收
他日中和聞善政一琴寧復久淹留李壁鴈湖集東帥少才兄寵光七言
一首口占八句以謝 辛苦燈窓少日同未應歲晚馬牛風康山何敢杜
陵敲子貢還憐顏巷空紅旆碧油雖貴重清泉白石也英雄長我缺月長
江句總是霜鬢六十翁 東帥張傳之遣人來相致將以七言次韻答之
質非高古謝壘樽漫向陳編捉聖言久判餘生甘掃墓尚懷先友欲登
門功名自昔歸羊傳丘壑從來着謝鯤何日扁舟過若去眼着蕩子塵枝
繁 閭風當日奉清樽猶記銀鈎洒七言別去淒涼渾一夢只今踈懶且
衡門已非絕足那希驥自北游塵或佐鯤珍重曲江勞仰止人間歲晚雪
霜繁 媿無庭論發奇樽閑放騷人大小言徐孺真能下蕃榻孔公尚記
出膺門 張出先公之門致用孔公更赤霄覽德聊追鳳滄海尋仙更踏鯤
華髮蕭蕭公健存一將金盃洗哇繁 四月十八日送連帥母丘厚卿三
聖院即事 送客來山寺客去獨凭欄新篁已解箨瑩眼青琅玕玉臺居